

# Universidade de Vigo

## CONVENIO DE COOPERACIÓN EDUCATIVA ENTRE ASOCIACIÓN DE INICIATIVA SOCIAL BERCE E A UNIVERSIDADE DE VIGO PARA REALIZAR PRÁCTICAS ACADÉMICAS EXTERNAS

### REÚNENSE:

Dunha parte, Salustiano Mato de la Iglesia, reitor da Universidade de Vigo, nomeado segundo o Decreto da comunidade autónoma de Galicia 90/2010, do 10 de xuño, publicado no *Diario Oficial de Galicia (DOG)* núm. 114, do 17 de xuño de 2010, de acordo coas competencias que lle outorga o artigo 20 da Lei orgánica 6/2001, do 21 de decembro, de universidades, e o artigo 58 dos Estatutos da Universidade de Vigo, aprobados polo Decreto 7/2010, do 14 de xaneiro, e publicados no *DOG* núm. 21, do 2 de febreiro de 2010 (*BOE* núm. 69, do 20 de marzo de 2010).

Doutra, Miguel Angel Yagüe Poncela, en calidade de Presidente de la ASOCIACIÓN DE INICIATIVA SOCIAL BERCE e con enderezo social na rúa Avda. Castelao, núm. 65-Atico, de Vigo (Pontevedra), CP 36209 e CIF G36788081.

Ambas as partes teñen plena capacidade para levar adiante o presente convenio de cooperación educativa e

### EXPOÑEN:

- 1 Que o interese de ambas as entidades é facilitar a preparación para o exercicio profesional do alumnado universitario nas áreas operativas das empresas e a súa incorporación futura ao traballo dentro da sociedade.
- 2 Con este fin, e ao abeiro do establecido no Real decreto 1707/2011, do 18 de novembro, polo que se regulan as prácticas académicas externas de estudiantes universitarios, acordan establecer un convenio de cooperación educativa sometido ás seguintes

### CLÁUSULAS

#### PRIMEIRA

O obxecto deste convenio é regular un programa de prácticas académicas externas entre a Universidade de Vigo e ASOCIACIÓN DE INICIATIVA SOCIAL BERCE para facilitar a preparación para o exercicio profesional do estudiantado en áreas operativas da empresa relacionadas coa súa formación universitaria e as posibles saídas profesionais desde os estudos cursados na Universidade de Vigo. Así, promoverase o futuro desenvolvemento profesional e o acceso ao mercado laboral das futuras persoas tituladas universitarias.

# Universidade de Vigo

## SEGUNDA

Dado o carácter formativo das prácticas académicas externas, da súa realización non se derivarán en ningún caso obrigas propias dunha relación laboral nin o seu contido poderá dar lugar á substitución da prestación laboral propia de postos de traballo.

## TERCEIRA

A Universidade de Vigo axustarase á normativa aprobada para tramitar, xestionar e difundir as prácticas académicas externas.

De acordo coa devandita normativa, a Universidade de Vigo poderá delegar nunha entidade xestora a execución de prácticas externas extracurriculares. En virtude do convenio asinado para tal efecto entre a Universidade de Vigo e a Fundación Universidade de Vigo, a tramitación, a xestión e a difusión das prácticas externas extracurriculares será responsabilidade da Fundación Universidade de Vigo (Fuvi).

## CUARTA

1 Poden realizar prácticas académicas externas:

- a) O alumnado matriculado en calquera ensinanza impartida pola Universidade ou polos centros adscritos a esta.
- b) O estudiantado doutras universidades españolas ou estranxeiras que, por razón de programas de mobilidade académica ou de convenios establecidos entre elas, se atopen cursando estudos na Universidade de Vigo ou nos centros adscritos a esta.

2 Para realizar as prácticas externas o alumnado deberá cumplir, cando proceda, os seguintes requisitos:

- a) Estar matriculado na ensinanza universitaria á que se vinculan as competencias básicas, xenéricas e/ou específicas que adquirirá ao realizar a práctica.
- b) No caso de prácticas externas curriculares, estar matriculado na materia vinculada, segundo o plan de estudos de que se trate.
- c) Non manter ningunha relación contractual coa empresa, institución ou entidade pública ou privada, ou a propia universidade en que se van realizar as prácticas, salvo unha autorización conforme a normativa interna de cada universidade.

3 A Universidade de Vigo ou a entidade xestora realizará unha convocatoria pública nos centros universitarios afectados, en que se indicará o número de alumnado de prácticas e as

condicións da práctica académica externa, garantindo os principios de transparencia, publicidade e igualdade de oportunidades.

## QUINTA

O programa de prácticas académicas desenvolverase conforme os seguintes termos:

- 1 A duración das prácticas externas curriculares será a que estableza o plan de estudos correspondente nos termos establecidos polo artigo 12.6 do Real decreto 1393/2007, do 29 de outubro.
- 2 A duración das prácticas externas extracurriculares axustarase ao Real decreto 1707/2011, do 18 de novembro, e á normativa complementaria desenvolvida pola Universidade de Vigo.
- 3 O alumnado contará cunha persoa titora da entidade colaboradora e con outra da Universidade de Vigo para realizar as prácticas
- 4 O horario das prácticas procurará en todos os casos adaptarse aos horarios lectivos. En particular, o alumnado ten dereito a realizar as probas de avaliación correspondentes aos estudos en que se matriculara e a empresa está obrigada a concederlle os permisos necesarios para asistir a elas.
- 5 O proxecto formativo en que se concreta a realización de cada práctica académica externa fixará os obxectivos educativos e as actividades que se desenvolverán.
- 6 No referente aos dereitos e deberes da persoa titora da entidade colaboradora, da académica e do estudantado, atenderase ao recollido no Real decreto 1707/2011, do 18 de novembro.
- 7 Ao finalizar as prácticas, a empresa e a Universidade de Vigo entregaranlle a cada estudiante un certificado que se axustará á normativa que establece o Real decreto 1707/2011, do 18 de novembro.
- 8 A persoa titora da entidade colaboradora poderá recibir o recoñecemento da Universidade de Vigo polo labor realizado.
- 9 Coa finalidade de manter en todo momento o rexistro de estudiantes participantes baixo este convenio, ASOCIACIÓN DE INICIATIVA SOCIAL BERCE comunicaralle á Universidade de Vigo ou á entidade xestora calquera alta e baixa que se produza na empresa. Xunto á alta de cada estudiante, a empresa comunicará a data do comezo e finalización das prácticas, o período de vacacións se o houbese, o lugar do desenvolvemento e o seu contido.

# Universidade de Vigo

## SEXTA

De conformidade coa normativa vixente, o período de prácticas non constitúe, baixo ningún concepto, unha relación laboral entre o alumnado e ASOCIACIÓN DE INICIATIVA SOCIAL BERCE nin coa Universidade de Vigo ou a entidade xestora.

Non poderá formalizarse un contrato de traballo entre a empresa e o estudiantado mentres non finalice a práctica.

## SÉTIMA

ASOCIACIÓN DE INICIATIVA SOCIAL BERCE poderá concederlle a cada estudiante seleccionado unha bolsa mensual para realizar prácticas académicas externas, axustándose á normativa complementaria desenvolvida pola Universidade.

## OITAVA

Segundo a Resolución da Dirección Xeral de Ordenación da Seguridade Social, do 25 de marzo de 1999, as prácticas en empresas que realicen as e os estudiantes ao amparo do Real decreto 1707/2011, do 18 de novembro, estarán cubertas polo seguro escolar, sempre que sexan organizadas ou autorizadas segundo o disposto polo devandito real decreto e que o alumnado estea matriculado e ao corrente do pago do citado seguro.

A Universidade de Vigo ten subscrito ademais un seguro de responsabilidade civil e outro de accidentes, complementarios ao seguro escolar.

## NOVENA

As partes comprométense a tratar os datos de carácter persoal coa finalidade exclusiva de realizar o servizo, que non serán obxecto de ningún tratamento distinto aos previstos neste convenio, de conformidade co disposto na Lei orgánica 15/1999, do 13 de decembro, de protección de datos de carácter persoal, e o disposto no Real decreto 1720/2007, polo que se aproba o Regulamento de desenvolvemento da mencionada lei orgánica e, en todo momento, as disposicións vixentes na materia.

## DÉCIMA

Este convenio non supón ningún gasto para a Universidade de Vigo, polo que non se precisa consignación orzamentaria.

## DÉCIMO PRIMEIRA

Créase unha comisión paritaria de seguimento do presente convenio integrada por:

# Universidade de Vigo

O Vicerreitor de Transferencia do Coñecemento ou persoa en quen delegue, en representación da Universidade de Vigo.

O representante da Entidade colaboradora que asina o presente Convenio ou persoa en quen delegue, en representación de ASOCIACIÓN DE INICIATIVA SOCIAL BERCE.

Esta comisión resolverá os problemas que suscite este convenio na súa execución, garantirá o desenvolvemento normal dos compromisos asumidos e proporalles ás entidades outorgantes xeitos de aumentar a súa eficacia. Reuniranse cando así o considere oportuno cada unha das partes.

## DÉCIMO SEGUNDA

- 1 Este convenio entrará en vigor a partir da data da súa sinatura e terá unha duración dun ano. Prorrogarase automaticamente por un período igual de tempo, salvo unha denuncia expresa por algunha das partes, que deberá comunicalo cunha antelación mínima dun mes antes do seu vencemento.
- 2 O presente convenio poderá rematar ademais polas seguintes causas:
  - a) Por acordo mutuo das persoas asinantes.
  - b) Se se producisen circunstancias que fixesen imposible realizar as actuacións previstas no convenio.
  - c) Polo incumprimento dos compromisos e das obrigas establecidas no presente convenio.
- 3 Se no momento da rescisión algún ou algunha estudiante estivese realizando prácticas, continuarán estas ata o remate establecido.
- 4 Coa sinatura deste convenio queda derrogado calquera outro que coa mesma finalidade asinaran as partes.

## DÉCIMO TERCEIRA

ASOCIACIÓN DE INICIATIVA SOCIAL BERCE e a Universidade de Vigo comprométense a resolver de xeito amistoso calquera desacordo que poida xurdir no desenvolvemento do presente convenio.

- 2 As cuestións litixiosas que xurdan con respecto á interpretación, modificación, resolución e efectos do presente convenio serán resoltas, en primeira instancia, pola comisión mixta paritaria. Os conflitos que poidan xurdir polas partes, e que non se poidan resolver na

# Universidade de Vigo

comisión mixta, someteranse á resolución da xurisdición contencioso-administrativa, dado o carácter administrativo do convenio.

E, como proba de conformidade, as partes comparecientes asinan por triplicado o presente convenio, no lugar e data indicados a continuación.

Ourense, 4 de xuño de 2012

POLA UNIVERSIDADE DE VIGO

O REITOR

P.D. (R.R. 05/09/2011)



A Vicerreitora do Campus de Ourense

Maria Lameiras Fernández

POLA ASOCIACIÓN DE INICIATIVA SOCIAL

BERCE

O DIRECTOR

